

孝義縣續志卷末

補遺

營兵原額十名隸太原鎮標汾州營咸豐四年奉文裁撤二名現只八名

舖司兵原額十三名每名工食銀六兩共七十八兩咸豐四年奉文裁撤十分之六酌留五名給工食銀共三十一兩二錢

漏澤園在城東四里許前志未載祇詳藝文內其地原九十七畝至前明嘉靖時爲地鄰所侵僅存十

孝義縣續志

卷末

補遺

一

餘畝時知縣劉大觀復理得四十畝至今三百餘年僅存二畝餘其侵蝕已非伊朝夕詢之左右地鄰各有約具至起首盜買盜賣者無可稽查積重難返整理良非易易然不敘其顛末再數十年並此二畝餘亦屬烏有矣茲特仍其現在情形續志之以存舊蹟於一綫嗣後再別作區處焉

節婦

孫光奎之妻任氏

續修縣志跋

余謬膺斯邑講席與都人士互相切劘已六易星霜於典禮攸關政行所被民風俗尙趨向嗜好之不齊皆目覩心維識其大凡今夏適有續修縣志之舉王屋 孔藹人邑侯囑總纂全書余不敢以不文辭爰就舊志與今懸殊處精爲補輯仍於每條之首叙其由來每類之餘結以總論符舊例也其有待變正者或博考羣書或詳參衆議論人必嚴虛譽記事惟務簡明無濫無苛期與舊志相輔

而行綜全籍讀之則斯邦之利弊沿革興替盛衰瞭如指掌焉備異日輶車之採爲當前治譜之資洵留心風化者所樂觀其成也因不揣淺陋撮記數語於新編之末

歲在上章執徐之辜月石艾何之煌跋

孝義志初始於前明嘉靖時邑進士張冕趙訥兩先達之手然祇採輯故事藏之於家未敢言志也後隴西劉公莅斯邑取而增刪之始行於世

國朝雍正初新安方公修之乾隆中豫章鄧公又修之即今所遵守者道光季年金陵曹公有意修葺謀未就而調任陽曲事遂寢邑中士民恆以不獲觀成爲憾客歲蒙

大中丞曾爵憲移檄州縣續修志乘邑侯孔公

約紳耆捐貲照辦<sub>重</sub>因得與參稽自夏徂冬已纂

孝義縣續志

後跋

二

集成書於是鄧志而後百數十年耳目一新焉<sub>重</sub>

學淺才疏兼之年逾八旬愧無表見竊幸躬逢其盛願與鄉黨誦說講明俾皆知所率循庶風俗蕃

昌人文蔚起用以詠歌

盛世垂諸永久尤闔邑所鼓舞歡欣者爾時庚辰長至

月遠峯任以重謹跋